



مشیتِ جلیلہ اسلامیہ نک جریدہ رسیہ پیدر

شوال ۱۳۳۵

عدو: ۳۲

آیدہ بر نشر اولنور

اوپنجی سنہ

قوانین و نظامات

مفتی لک وظائفنه دائر نظامنامه

[تقویم وقایع ایله نشری تاریخی : ۱۶ شعبان ۱۳۳۵ و ۷ حیران ۱۳۳۳ - نومروسی ۲۹۰۷]

ماده ۱ — نبوت اهللہ نك وعیدین ورمضان شریف ایله لیالی مبارکینی اعلانلک متوقف اولدینی بالجله معاملات شرعیہ یی ایفایه فیابعد دارالخلافهده فتوی امینی وسائر بلاد عثمانیهده مفتیار مآذون اولوب خصوص مذکور حقنדה دیگر بر ذاتی دخی توکیل ایدہ بیلیرلر .

ماده ۲ — توجیه جهات ایچون طشرده متشکل هیئتله مفتیلر طرفندن ریاست ایدیلیر . مذکور هیئتلرده بولنه حق علما مفتیلرله اوقاف مدیر ویا مأمورلری طرفندن انتخاب اولنور .

ماده ۳ — جهت خطابتک انحلالنده تعیین اولنه حق خطیه برات عالینک وصولنه قدر ایجاب ایدن مراسله شرعیہ مفتی جانبندن اعطا قلنور .

ماده ۴ — وظیفه سی قلیل ویا بروجہ حسبی اولان جهاته ارباب اهلیتدن طالب بولنمادینی حالده توجیه ایچون اهالی طرفندن منتخب ذوات صالحه یی تسیب مفتیلره عائددر .

ماده ۵ — معاملات وقفیه به متعلق قومیسونلرده ریاست مفتیلره مودوعدر .

ماده ۶ — جوامع ومساجد شریفهده وعظ ونصیحت ایدہ جک علمانک حائز اولملری لازم کلان وثیقہ رسمیه طشرده منحصرأ محمللری مفتیلری طرفندن اعطا اولنور .

ماده ۷ — ولایات والویه غیر ملحقه مرکز مفتیلری حقنדה ایجاب ایدن تحقیقات وتفتیشاتک اجرایی مقام مشیخنجہ مناسب کوریلہ جک ذواته حواله ایدیلیر الویه ملحقه مرکز مفتیلرینک تحقیقات وتفتیشاتی ولایات مرکز مفتیلری واسطه سیله وقضا مفتیلرینه عائد تحقیقات وتفتیشات ولایات ویا الویه مفتیلرندن مقام مشیخنجہ تسیب اولنه جق ذوات معرفتله اجرا ایتدیریلیر .

ماده ۸ — اشبو مواده مخالف اولان احکام ملقادر .

- ماده ۹ — اشبو نظامنامه تاریخ نشرندن اعتباراً مرعی الاجرادر .
ماده ۱۰ — اشبو نظامنامه نك اجراسنه مقام مشیخت و اوقاف ناظری مأموردر .
اشبو لایحه نظامیه نك موقع مرعیه وضعی و نظامات دولته علاوه سنی اراده ایلدم .
ل ۱۴ شعبان سنه ۱۳۳۵ ل ۴ حزیران سنه ۱۳۳۳

محمد رشید

صدراعظم و داخلیه ناظری
محمد طلعت

شیخ الاسلام و اوقاف حامیون ناظر وکیل
موسی کاظم

حربیه ناظری و بحریه ناظری وکیل
انور

خارجیه ناظری
احمد نسیمی

عدلیه ناظری و شورای دولت ریشی
خلیل

مالیه ناظری و معارف ناظری وکیل
جاوید

نافعه ناظری
علی منیف

تجارت و زراعت ناظری و تلفراف و پوسته و تلفون
ناظری وکیل
مصطفی شرف



بیاننامه مشیختیناهی

حقایق اشیایی تحری و تدقیق ایلله اشتغال ایدن ذوات معالی صفاتك معلوملری اولدینی
اوزره بوعالمده تصادفی و عبث اوله رق وجوده كلش هیچ برنی یوقدر . هر شئك خلقتی
برمییه مستند و هر خلقته برغایه مترتبدر . حتی هر ذره بیله بر قانون و انتظام دائره سنده
کندی خلقتیله متناسب بر وظیفه ایضا ایتمکده و ایضا ایتدیکی او وظیفه بر غایه ترتب
ایلمکده در . سر تکلیفك ذراتدن شموسه قدر بوتون اشیایه سرایتی و هر شئك طبعاً
و فطره مکلف اولدینی وظیفه یی حسن ایضایه مجبوری و اجناسك انواعده انواعك
افرادده کمال انتظام اوزره تجلی یه مظهریتی سایه سنده احتوا ایتدیکی بی نهایت محاسن و بدایع
ایلله شو سلسله کائناتك ساحه آرای وجود اولدینی شه دن وارسته در .